

Bo conoce Fundacion Parlamento Hubenil Aruba?



NA Aruba nos tambe kier duna un voz na hobennan. Ora cu Aruba a firma e tratado di Derechonan Internacional di Lucha (y hoben) na 2001, Aruba a compromete su mes na realisa e derechonan den e tratado aki. Un di e derechonan aki ta derecho ariba participacion. Diferente puntonan cu Parlamento Hubenil kier duna forma na e concepto di participacion ta pa crea mas ciudadano hoben conciente di loke ta biba rond di dje, crea un tipo di lider 'nobo', desaroya y stimula e proceso democratico entre hobennan, desaroya y stimula un cultura di debate entre hobennan, promove participacion na un organisacion, desaroya confianza propio y crea bon lidernan pa futuro. Fundacion Parlamento Hubenil Aruba ta un organisacion cu ta sostene e derechonan ariba participacion y derecho ariba expresion di opinion propio di hobennan. E organisacion ta consisti di Asociacion Consejo Hubenil Aruba y Comicion Parlamento Hubenil Aruba cu ta pa hobennan cu edad entre 14 te cu 23 aña cu ta bishita un scol of ta miembro di un organisacion. Asociacion Consejo Hubenil Aruba por consisti di maximal 80 miembro representando scolnan y diferente organisacionnan hubenil aki na Aruba. For di e Asociacion Consejo Hubenil Aruba lo wordo elegi democraticamente 23 miembro cu e ora lo forma Parlamento Hubenil. E 23 parlamentarianan hubenil aki lo organisa e encuentronan cu e miembronan di Staten y Ministronan di Aruba y pa asina trece dilanti e punto di bista di e hobennan di Aruba. Miembronan ta consisti di

diferente edad y background pa di e manera aki forma un representacion di poblacion di e hubentud Arubiano. Cu esaki tambe nos ta haya sa kico ta biba bou di hubentud, nan deseonan nan ambicionnan y nan preocupacionnan. Den Parlamento Hubenil miembronan lo tin mester di diferente cualidadnan personal manera: habilidad di papia Papiamentu, Hulandes y Ingles, pa comunica bon cu otro ta esencial y habilidad pa papia den publico. Exigencianan ta cu bo mester ta inscribi den registro civil di Aruba, entre edad di 14 pa 23 aña, ta dispuesto pa dedica bo tempo liber na Parlamento Hubenil y ta bishitando un scol of un organisacion. Parlamento Hubenil ta ofrece e hobennan e oportunidad pa debateriba temanan cu ta concierne nos comunidad y hubentud en particular. Como miembro bo ta haña cursonan pa asina desarolla bo persona propio y siña logra metanan den futuro y pa gana experiencia den bida. Tambe miembronan ta haña oportunidad pa trahariba diferente projectonan cu Parlamento Hubenil tin y tin biaha en cooperacion cu otro organisacionnan. Tambe oportunidad di viaha pa exterior pa asina representa Aruba den diferente conferencia of eventonan internacional. E aña aki Fundacion Parlamento Hubenil Aruba a scohe un tema di aña, cual ta 'Nos Hobennan Positivo, Nos Talentonan, Nos Futuro' Tur aña desde aña 2007 nos di Parlamento Hubenil a focus riba temanan pa asina yuda drecha of informa pueblo di Aruba riba topiconan menos positivo, pero e aña aki e hobennan di Parlamento Hubenil a dicidi

ban demonstra na pueblo di Aruba cu e hobennan tin talentonan. Nos di Parlamento Hubenil ta bai presenta hobennan cu certificadonan di parti nos pa nan talentonan cu otro por siña di nan. Projectonan: Un paar di projectonan cu ya caba a wordo haci ta: 'Youth Salud' na unda a consientisa y informa e hubentud di Aruba ariba e importancia di un bida saludabel tresiendo diferente charlanan y show di baile, conhuntamente cu un ambiente agradabel pa tur. Conhuntamente cu otro organisacionnan a sera cabez pa por hasi e evento aki posibel. Tambe a organisa e caminata 'Pasonan di Balor' pa concientisacion di abuso di menor, unda cu despues di e caminata tabata tin un presentacion grandi di diferente obra, canto y video pa e muchanan y mayornan por a presencia y disfruta. Tambe a organisa e programma di debate na television TVF 'Tresiendo Voznan Firme' pa asina promove un cultura di debate, consientisa pueblo di situacionnan actual y alavez informa tambe ariba diferente topiconan. Tambe a bin cu un obra teatral titula 'Mara bo por Muri' ta un obra di Curacao pa consientisa e hubentud tocante e diferente abusanan cu tin den e mundo aki. Pa esaki Parlamento Hubenil Aruba a traha conhuntamente cu Voz di Hubentud di Curacao y e dos comicionan di ambos Aruba y Curacao 'Kibrando Gritonan Silencioso'. Tambe a organisa e dia 'Nacional di Aruba Limpi'. Cual ta algo annual cu lo sigi. Na unda

Parlamento Hubenil ta puntra pueblo di Aruba pa nos tur Sali hunto y haci limpi. Tambe a organisa un 'Youth Summit' cual tawata titula 'Y.E.S Youth Election Summit' cual tawata un exito. Esaki a wordo organisa den e temporada di Eleccion di Aruba pa e hubentud pa nan por a bin hasi nan preguntanan na e diferente candidatonan di tur partido. Aparte di diferente projectonan, e miembronan ta haña oportunidadnan unico cu sa presencia, cu nos ta yama 'Once in a Lifetime Experience', den cual por ehempel e bishita di su majestad La Reina unda cu un grupo di miembronan a haña e oportunidad pa combersa personalmente cu su majestad La Reina tocante e organisacion. Tambe Parlamento Hubenil sa aserca Presidente di Parlamento pa diferente asuntonan cu lo mester wordo discuti. Esaki ta pa trese un mihor comunicacion entre Parlamento di Aruba y Parlamento Hubenil Aruba. Diferente miembronan a yega di biaha pa asina representa Parlamento Hubenil Aruba den exterior asistiendo diferente conferencia of eventonan, manera CTC (Caribbean Tourism Conference). Un conferencia annual tocante turismo den caribe. Tambe Parlamento Hubenil a yega di bai St. Lucia pa un 'Youth Dialog', pa dialoga riba con nos como islanan den caribe por traha pa mihor medio ambiente den nos region. Desaroyo Sostenible mester ta e enfoko principal, pa e rason aki Parlamento Hubenil ta kere den

atendi e conferencianan aki. Na aña 2006 un delegacion di Parlamento Hubenil tambe a haci un viaje pa Curacao pa un 'Youth Summit'. Unda e hobennan a bin hunto pa intercambia ideanan y opinionan cu tin cu haber cu e cambianan cu lo bin den Reino. Parlamento Hubenil Aruba ta kere hopi den uni forsa cu otro organisacionnan y tambe otro Parlamento Hubenilnan. Paar di hobennan cu a haña e oportunidad pa viaha y representa Aruba den Exterior tawata: Sr. Jai'rus Barry (CTC), Raisa Rudge (CTC), Aldrich Kelly (UNESCO na Panama), Amy Richards (CTC), Evelyn Peterson (CTC), Micaela Gario (UNESCO na Punta Cana, Santo Domingo). Un biaha mas e portanan di Parlamento Hubenil Aruba ta wordo habri pa miembronan nobo. Si bo ta un hoben of si bo conoce un hoben cu lo kier forma parti di e organisacion aki pasa libramente serca nos na oficina. Parlamento Hubenil ta den full swing cu nos Eleccion Escolar 2010. Acerca bo scol pa nan tambe forma parti di e eleccionnan aki. Mas importante tuma contacto cu nos na Tel: 588-6860/583-8856 Fax: 588-0810 of nos e-mail consehohubenil@gmail.com of youthparliamentaruba@gmail.com of por pasa libermente na oficina den Avendio Milio Croes 112 (Net den e edificio di Directie Voogdijraad patras). Tambe check nos riba nos myspace y facebook accounts.